

Titel: Nougeseheid VI – Oorwinning deur Nougeseheid
Pastoor: Fred May
Datum: 26 Oktober 2008
Tyd: 9h00



A. Eenheid – die Sleutel tot Oorwinning

Efesiërs 4:3

³ en ernstig strewe om die eenheid van die Gees te bewaar deur die band van die vrede.

1. Saamstem – die sterkste krag op aarde

Genesis 11:6

⁶ En die HERE sê: Daar is hulle nou een volk en het almal een taal! En dit is net die begin van hulle onderneming: nou sal niks vir hulle meer onmoontlik wees van wat hulle van plan is om te doen nie.

Mattheus 18:19-20

¹⁹ Weer sê Ek vir julle: As twee van julle saamstem op die aarde oor enige saak wat hulle mag vra, dit sal hulle ten deel val van my Vader wat in die hemele is. ²⁰ Want waar twee of drie in my Naam vergader, daar is Ek in hul midde.

Handelinge 2:1

¹ En toe die dag van die pinksterfees aangebreek het, was hulle almal eendragtig bymekaar.

Handelinge 4:24, 31

²⁴ En toe hulle dit hoor, het hulle eendragtig die stem tot God verhef en gesê: Here, U is die God wat die hemel en die aarde en die see en alles wat daarin is, gemaak het,

³¹ En toe hulle gebid het, is die plek geskud waar hulle saam was, en hulle is almal vervul met die Heilige Gees en het die woord van God met vrymoedigheid gespreek.

2. Waarom Jesus ingetree het [Johannes 17:6-19]

Eenheid, gemeenskap en die getuienis van barmhartigheid

(i) Die Naam - intimiteit in verhouding

Johannes 17:11 [Mattheus 6:9-13]

¹¹ En Ek is nie meer in die wêreld nie, maar hulle is in die wêreld; en Ek kom na U toe. Heilige Vader, bewaar in u Naam die wat U My gegee het, sodat hulle een kan wees net soos Ons.

(ii) Die Vader se hart – vir nageslag, die volgende generasie, hulle versorging

Johannes 17:20-21

²⁰ Maar Ek bid nie vir hulle alleen nie, maar ook vir die wat deur hulle woord in My sal glo — ²¹ dat almal een mag wees net soos U, Vader, in My en Ek in U; dat hulle ook in Ons een mag wees, sodat die wêreld kan glo dat U My gestuur het.

(iii) Die heerlikheid - die vervulling van gesamentlike, ewige doel

Johannes 17:22, 4

²² En Ek het hulle die heerlikheid gegee wat U My gegee het, sodat hulle een kan wees, net soos Ons een is.

⁴ Ek het U verheerlik op die aarde. Die werk wat U My gegee het om te doen, het Ek volbring.

(iv) Liefde se getuienis

Johannes 17:23

²³ Ek in hulle en U in My, sodat hulle volkome een kan wees; en dat die wêreld kan weet dat U My gestuur het, en hulle liefgehad het net soos U My liefgehad het.

I Johannes 3:14, 16-18, 22-23

¹⁴ Ons weet dat ons oorgegaan het uit die dood in die lewe, omdat ons die broeders liefhet. Hy wat sy broeder nie liefhet nie, bly in die dood.

¹⁶ Hieraan het ons die liefde leer ken, dat Hy sy lewe vir ons afgelê het; en ons behoort ons lewe vir die broeders af te lê. ¹⁷ Maar wie die goed van die wêreld het en sy broeder sien gebrek ly en sy hart vir hom toesluit, hoe bly die liefde van God in hom? ¹⁸ My kinders, laat ons nie liefhê met woorde of met die tong nie, maar met die daad en in waarheid.

²² en wat ons ook al bid, ontvang ons van Hom, omdat ons sy gebooie bewaar en doen wat welgevallig is voor Hom. ²³ En dit is sy gebod, dat ons in die Naam van sy Seun, Jesus Christus, moet glo en mekaar liefhê soos Hy ons 'n gebod gegee het.

B. Goddelike Orde – die Liggaam

I Korinthiërs 12:4-7, 12, 26

⁴ Daar is wel verskeidenheid van genadegawes, maar dit is dieselfde Gees; ⁵ en daar is verskeidenheid van bedieninge, en tog is dit dieselfde Here; ⁶ en daar is verskeidenheid van werkinge, en tog is dit dieselfde God wat alles in almal werk. ⁷ Maar aan elkeen word die openbaring van die Gees gegee met die oog op wat nuttig is.

¹² Want net soos die liggaam een is en baie lede het, en al die lede van die een liggaam, al is hulle baie, een liggaam is, so ook Christus.

²⁶ En as een lid ly, ly al die lede saam; en as een lid geëer word, is al die lede saam bly.

1. Christus se gawe = bestuur (“government”)

Efesiërs 4:7-8, 11

⁷ Maar aan elkeen van ons is die genade gegee volgens die mate van die gawe van Christus. ⁸ Daarom sê Hy: Toe Hy opgevaar het in die hoogte, het Hy die gevangenes gevange geneem en gawes aan die mense gegee.

¹¹ En Hy het gegee sommige as apostels, ander as profete, ander as evangeliste, ander as herders en leraars,

2. Die Vader se gawes = diversiteit

Efesiërs 3:10

¹⁰ sodat nou deur die gemeente aan die owerhede en magte in die hemele die menigvuldige wysheid van God bekend gemaak kan word,

3. Die Gees se gawes = verskeidenheid

Efesiërs 5:1-2, 17-20 (aktivering van krag)

¹ Wees dan navolgers van God soos geliefde kinders; ² en wandel in liefde, soos Christus ons ook liefgehad het en Hom vir ons oorgegee het as 'n gawe en offer aan God tot 'n lieflike geur.

¹⁷ Daarom moet julle nie onverstandig wees nie, maar verstaan wat die wil van die Here is. ¹⁸ Moenie dronk word van wyn nie—daarin is losbandigheid; maar word met die Gees vervul. ¹⁹ Spreek onder mekaar met psalms en lofsange en geestelike liedere; en sing en psalmsing in julle hart tot eer van die Here, ²⁰ terwyl julle God die Vader altyd vir alles dank in die Naam van onse Here Jesus Christus,

C. God se doel deur eenheid

1. Korporatiewe volwassenheid

Efesiërs 4:13-16

¹³ totdat ons almal kom tot die eenheid van die geloof en van die kennis van die Seun van

God, tot 'n volwasse man, tot die mate van die volle grootte van Christus; ¹⁴ sodat ons nie meer kinders sou wees nie wat soos golwe geslinger en heen en weer gedryf word deur elke wind van lering, deur die bedrieëry van die mense, deur sluheid om listiglik tot dwaling te bring; ¹⁵ maar, terwyl ons in liefde die waarheid betrag, in alles sou opgroei in Hom wat die Hoof is, naamlik Christus, ¹⁶ uit wie die hele liggaam—goed saamgevoeg en saamverbind deur die ondersteuning wat elke lid gee volgens die werking van elke afsonderlike deel in sy mate—die groei van die liggaam bevorder vir sy eie opbouing in liefde.

2. Ware voorstelling

Kolossense 3:14-15

¹⁴ En beklee julle bo dit alles met die liefde wat die band van die volmaaktheid is. ¹⁵ En laat die vrede van God, waartoe julle ook in een liggaam geroep is, in julle harte heers, en wees dankbaar.